



Piry'eg Kristus nap'an e Kristmas

Ni yib ku President Dieter F. Uchtdorf

Bin La'gruw e Counselor u lane Bin Somm'on e Presidency

Ni fan en ni ba'adag ninge nang fan marung'adaed pi chongin e galasia ko Fare Galasia ku Yesus Kristus ni fan e Gidii'en Got ko Tin Tomur e Rran, Gube ad'ag ningu tabab e weliy' rog ko delip e think: Gamaedba piry'eg Kristus.

Gamaedma gayed ningad filed Marung'agen. Ningad folgaed Ngak. Ninge mang ni ta'abrogon Rok.

Urning e rran nap'an e duw, gamaedma gayed Ngak. Machane nib yul'yul' nap'an fare ningyal' ko e duw ni Kristmas, nap'an ngad madnomnoged e gargel ko e tathapeg nib t'uf rodad nibe fil'eg e gum'racha'daed Ngak.

Yangi taermedliy rodad ningad madnomnoged e ningyal' ko Kristmas, ninge yoeg ninge lemniged urrogon e gidii' ni kar paered ni la'agruw i biyu' e duw u faram kar taermedliyed ningar thapeged e wub ku en Tathapeg.

Pi Chathowliy ko Saf

Dad nanged bo'or marunga'agen pi chathowliy ko saf, ni mus ni kar "soengaed ulane gin am, mar chathowliyed e pi saf roared nap'an e nep." Pi chathowliy nem ni woed rogon e mo'on ni dariy' fan, woed rogon bo'or e gidii' nima mururwel urngin e rran.

Sana yaed e pow ko e gidii', u reb e ningyal', day gayed e rayog roraed ningar piry'eged Kristus, machane kan thiyleg e gum'racha'raed nap'an ke bing e ma'ab ko tharmiy ma yoeg Kristus ngoraed.

I yaed e gidii' ni, tomuren kar runga'ged e milwol ko e tamilwol ku tharmiy, kar ranoed nib papay nga Bethlehem ningar guyed riy'.

Pi Mo'on nib Lowaen'

Fapi Mo'on nib Lowaen' i yaed e sensei ni kar biy'eged marunga'agen e wub ko en Messiah, en Fak Got. Udakaen e mafil roared, kar filed marunga'gen fapi pow nibe yib u somm'on e gargle Rok. Nap'an kar guyed, kar chuwgaed ko tabinaew roared mar milekagraed nga Jerusalem, mar fithed, "U'uw en ni kan gargelen i'ir fare Pilune ko gidii' ni Jew?"

Lowaen' roraed marunga'agen Kristus gathi mus ulane babyor. Nap'an kar guyed fapi pow ko gargel Rok, kar ngongoliyed. Kar ranoed ningar pireg'ed riy'

Fapi Mo'on nib Lowaen' i yaed e pow ko e gidii' nibe gayed ngak Kristus udakaen e mafil nge biy'eg ko babyor. E yul'yul' roared ngak fatin riyul' nira fekdaed ngak Kristus ningar liyoergaed Ngak fare Pilune ko pi piline, en Tathapeg ko gidii'.

Simeon nge Anna

Simeon nge Anna i yow e pow ko e gidii' nima gayed ngak Kristus udakaen fare Ya'el. Pi cha'ney nib yul'yul' ba'adag e tiliw ma, udakean e balaynag a bich rorow nge meybil nge udakaen e yul'yul' nge mafol, kar sapgow ngak fare rran ninge yib en Fak Mo'on.

Udakaen e yul'yul', sobutaen', nge mich, kar soengow mar sapgow ko fare wub ko Tahtapeg.

U tomur, e michaen'row ke fel'rogon nap'an Mary nge Jospheh ke dag e madway ngorow ni boron ra fek Nga dakaen pi denen ko gidii'.

Gidii' nib michaen' ufithik fapi Nephite nge Lamanite

Fare chepin marung'agen e gidii' nib yul'yul' ulan fare Bin Be'ech e Nam kar sappaed ko fapi pow ko gargel rok Tathapeg ngan piry'eg ulane fare Babyor ku Mormon.

Gadadba pugurraen ni fapi gidii' nib michaen' ngak Kristus kar thapeged e moning nge damomuw. E gidii' nib t'uf t'uf ko pi rran nem kar feked yathin ngak e gidii' nib michaen' ni kar koeled ngak e ban'en nib lily. Nib riyul', fapi gidii' ni dar michaen'gaed kar moning gaed ni gaa' lingan ni kar ngongoliyed e "feked yathin" ulane nam (3 Nephi 1:7). Kar moningaed ngak e gidii' nibe michaen' nira yib e gargle ko Tathapeg.

E puwaen' nge fekyathin roared ke mang gaa' ni yaedba'adag ningar thang e pogofay e gidii' nib michaen' ngak e Tathapeg. Fare Babyor ku Mormon ba weliy' fatin ke buch u tomur.

Fapi gidii' nib michaen' ulane ningyal' nam i yaed e pow ko e gidii' nibe piry'eged ngak Kristus dariy' fan e moning, sminmin, fa fananikay. Yaedma

piry'eged ngak Kristus dariy' fan reb e gidii' nibe yoeg e moning, tugthin, fa baen ngoraed.

Machane e fananikay ko reb e gidii' dabki muluwaen'raed fapi gidii' nib yul'yul' ningar piry'eged Kristus.

Gadadma Piry'eg ngak Kristus

Nap'an re duw ney, ma nap'an re ningyal' ney ko Kristus, nira yoeg e tin fel' ngodaed ningad fithed "Urrogon ningu piry'eg Kristus?"

Nap'an a ningyal' nib mom'aw ko yafas rok, fare Pilune nib gaa' ni David ni ke yoloey, "O Got, I gur e Got rog; u somm'on ningue Piry'egem: e ya'el rog nibe balal ni fanam, e ufin rog ma gay u tigil'."

Sana e laniyaen' ninge piry'eg Got i'ir e fan ni kan yoeg marung'agen David i'ir e mo'on u woed rogon e gum'racha' Got.

Nap'an re ningyal' ney ko Kristus ma nap'an e ningyal' ko duw, ninge yoeg ningad piry'eged u polo' e gum'racha'daed nge ya'el rodad e Tathapeg nib t'uf rodad, fare Pilune ko Gapas, En nib Thothup ko Israel. E laniyaen' ney, u gaa' rogon, ba dag fa'an gadad gubin e chongin fare Galasia ku Yesus Kristu ko Gidii'en Got ko Tin Tomur e Rran nge fa'an gadad e gachalpen Kristus nib yul'yul'.

Laniyaen'daed ningad Chibiyed e Tomalngin Reb

g fil ngak be'.Uw rogon ni ngan nang fan e Relief Society me ayuweg pi fak Got nib ppin ko fapi tawa'ath ni fan ko yafos ni manemus?



Mich Tabinaew
Ayuw

Gadad be pa'ay Rok Somoel ba ara udakean fare fayleng, u fithik e motochiyel ko pigpig nge chibiy bitir Rok'.Ir e pagan'ngodaed.

President Henry B. Eyring, bin Somm'on e Counselor ulan fare Bin Somm'on e Presidency, ke yoeg: "Bayi thilngin nib gaa' nira tabab u gum'racha'am nap'an kam mub ulan fare Galaisa. Kam fi'leg e michmicheg, makum thapeg e micheg nira thilyeg e rogom...."

"...Kam micheg ningam ayuweg Somoel ningam chibiy tomalnging [reb] ngam golnagraed. Kam thapeg e gelngim ningam chibiy tomalngin e gidii' nap'an kam thapeg fare taw'ath ko fare kan thothup."

"Gadadba a'dag ningad ngongoliyed e tamilang ko gospel ningad guyed reb e gidii' ni woed rogon Tathapeg ufithik e gol, athap, nge t'ufeg," ke yoeg Jean B. Bingham, Relief Society General President. "Bay yib fare rran ningan thapeged e nang fan nib

polo' ko reb e gum'racha' ko gidii' ngad oeged magar nige pii' e murguy ngodad nap'an ngad oeged e thin nge leam nib gol ngak reb.

"E chiylen nge muruwel rodad ningad ayuweg e gidii' ni urngin nap'an ngad gay rogon rodad ningad manged woedrogon en Tathapeg."

Nap'an ngad ayuweged reb ko tomalngin ngad folgaed pi michmich roared, gadadra bin e wo'en ngak Yesus Kristus ninge golnag e gidii'. Elder Jeffrey R. Holland ko fare Ulungi Ragag nge La'agruw Apostle ke fil: "Mu lemnag marung'agen e puluwon nib gaa' ko fare Kruth nge Bayul, Gube micheg ngom Dabki pii' keru' rok ngodad chiney. Nap'an Irba yoeg ngad e gidii' nib waer ko ya'el, 'Mu baed ngog,' Irba weliy' ni Irmanang e wo'en nga wuru' ma Irmanang e wo'en nga lane lang. Irmanang fare wo'en bachane Ke milekag ngay. Irmanang bachane I'ir fare wo'en."